



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի օգնականների դասավանդման հմտությունների զարգացման ապահովում» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Դպրոց՝ Բազմադրյուրի Ն.Սաֆարյանի անվան միջնակարգ դպրոց
ՊՈԱԿ

Առարկա՝ Հայ գրականություն

Թեմա՝ Բնություն և մարդը Համո Սահյանի
ստեղծագործության մեջ

Վերապատրաստող, մեներթ՝ Նարինե Մեսրոպյան

Ուսուցիչ՝ Արմենուհի Ղազարյան

Աշտարակ 2023

ԹԵՄԱՅԻ ՆՊԱՏԱԿԸ

Ձևավորել գիտելիքներ Սահյանի կյանքի, ապրած ժամանակաշրջանի, ստեղծագործությունների, բնապատկան, մարդու՝ բնության հետ անփակտելի կապի և նրա հետ հավերժ ձուլման մասին:

Սովորողի մոտ զարգացնել գեղարվեստական հաշակ, պատկերավոր մտածողություն, Հայրենի բնության միջոցով մարդուն՝ հային հանաչելու կարողություն:

Սովորեցնել սիրել, պահպանել բնությունը և հոգ տանել նրա մասին:

Հետազոտությունն ունի իմացական, հանաչողական, դաստիարակչական նշանակություն:

ՀԵՏԱԶՈՏՈՒԹՅԱՆ ԽՆԴԻՐՆԵՐԸ

Ուսումնասիրել Համո Սահյանի պոեզիայի առանձնահատկությունները:

Սովորողների հետ վերլուծել բնություն-մարդ անփակտելի կապն արտացոլող բանաստեղծություններից մի ֆանիլը:

Բանաստեղծությունների օրինակներով բնության մեջ տեսնել մարդուց փոխառված հատկանիշները՝ բարությունը, հյուրընկալությունը (<<Քարափը>>) ուժը, ամբությունը, համառությունը (<<Մարենին>>):

ԹԵՄԱՅԻ ԱՐԴԻԱԿԱՆՈՒԹՅՈՒՆԸ

Բնության և մարդու կապը միշտ արդիական է, քանի որ մարդն էլ բնության մասնիկ է: Այսօր, էկոլոգիայի պահպանությունը համաշխարհային մակարդակի խնդիր է դարձել: Մարդիկ մշտապես օգտվելով բնությունից, երբեմն սեփական շահից ելնելով՝ անխնա ոչնչացնում է այն, աղտոտում, և այդ աղտոտված բնությունը իր պատասխան հարվածն է հասցնում մարդուն՝ զանազան հիվանդությունների տեսքով: Ու այդ խնդրի լուծումը պահանջում է յուրաքանչյուրիս սրտացավ վերաբերմունքը մեզ շրջապատող բնության հանդեպ: Սահյանի գրչով նկարված խոստև, անձնավորված բնապատկերները մարդուն ստիպում են վերանայել իր վերաբերմունքը բնության հանդեպ:



ՆԵՐԱԾՈՒԹՅՈՒՆ

Համո Սահյանը 20-րդ դարի երկրորդ կեսի հայ բանաստեղծության ամենապայծառ անհատականություններից է:

Համեմատաբար ուշ մտնելով գրական ապարեզ՝ պատերազմից հետո, նա տպագրել է մի շարք գրքեր՝ «Որոտանի եզերքին» (1946 թ), «Բարձունքի վրա» (1955) «Նաիրյան դալար բարդի» (1958 թ) «Մայրամուտից առաջ» (1964 թ) «Փարափների երգը» (1968) «Սեզամ բացվիր» (1972 թ) «Դադի ծաղիկը» (1986):

Նրա ստեղծագործության մեջ կենտրոնականը հայրենիքի և բնության թեման է:

Նա ստեղծեց փարափների, ջրվեժների ու ծիածանների մի գունեղ ածարի, ուր ապրող մարդը ևս օժտված է իրեն ծնող միջավայրի պարզությամբ ու խորությամբ:

«Ինչ գրել եմ, բոլորն էլ իմ գավակներն են: Ինչքան էլ կակազ լինեն, խուլ կամ կաղ հարգատ եմ ու գալու եմ իմ թաղմանը: Սակայն ավելի արժեքավոր եմ համարում «Փարափների երգը».....Սյունիքը միակ ու հիմնական աղբյուրն է: Ինձ համար աշխարհն ու տիեզերքը տեսնելու ամենաբարձր ու հուսալի դիտակետը: Նաև այն հավելյալ իրականությունը, որ պահպանել է իմ ինքնությունը այս խտուն ու խրթին աշխարհում...»:

Մեծ բանաստեղծը իր փնտրելիքների անդաստանը հարստացրեց ոչ միայն բոլորիս հայտնի ծաղիկի, ուրցի, հացի հոտով, ոչ միայն շատերին պակաս ծանր մոր ծոցի, վարդ-ցանոց հոր ձեռքերի, տոհմածառի կամ արևի, բարձունքի, լույսի, ամպրոպի, մամուռի, անձավի, ֆամու, ֆարայծի կնդակի հոտով, այլ ավելի դժվար ըմբռնելի՝ մորմռի, արցունքի, մութի, նաև՝ սարսափի, խեղդության, տխրության հոտով և, վերջապես, ինչպես բանաստեղծն է գրում՝ «հոտեր, հոտեր, որ անուն չունեն»: Այս ամենը, բնականաբար, մարդու հոգում արթնացնում է ոչ միայն բնության եւ մարդու վոլիտարությունների, այլ նաև խոհափիլիսոփայական բանաստեղծության այնպիսի տեսակ, որ մինչ այդ գոյություն չի ունեցել հայ փնտրելիքների մեջ:

ԲՆՈՒԹՅՈՒՆԸ ԵՎ ՄԱՐԴԸ ՀԱՄՈ ՍԱՀՅԱՆԻ ՍՏԵՂԾԱԳՈՐԾՈՒԹՅԱՆ ՄԵՋ

Հայ մեծանուն նկարիչ Մարտիրոս Սարյանն ասել է. <<Մարդը բնություն է, բնությունը՝ մարդ>>:

Համո Սահյանի պոեզիան դրա վառ արտահայտությունն է: Բանաստեղծը երկար ճանապարհ է անցել՝ իրեն բնության մի մասնիկ զգալու և նրա հետ ու նրա միջոցով հավերժանալու համար: Սահյանը խոստովանել է, որ, սկզբում նա բնությունը տեսել-զգացել է իր միջոցով:

Աչքն ու ականջն են ես մայր բնության,

Գիտակցությունը նրա մարմնավոր,

Հասակակիցն են նրա հնության,

Եվ ծլարձակումն ու ծաղկումը նոր,

Նրա այս մի բուռ պատկերն ու նրա

Հավիտենության աղերսանքն են ես: Քննադատ Սուրեն Աղաբաբյանին նվիրված <<Թե ով են և ինչ >> բանաստեղծության մեջ Համո Սահյանը իր բանաստեղծության հենքը համարում է բնության հետ նույնացումը:

Բնությունը Սահյանի բանաստեղծության հողն է, որտեղից գրողը վերցրել է բանաստեղծության գույներն ու ձևերը:

Սահյանի պատկերած բնաշխարհում մարդը, հողը, կենդանին, ֆարափը ներդաշնակության մեջ են և լրացնում են միմյանց:

Բուսական աշխարհի մեջ առանձնանում են անտառը, ծառերը՝ բարդին, փշատենիին, կաղնին, եղևնին: Այս ամենից առանձնանում է մասրենին: Բանաստեղծը իրեն համեմատում է մասրենու հետ(<<Մասրենի>>).

Աշխարհի չարից փախած,

Խոկում ես բուրբ տարին,

Լուս ու մուկնց նստած ֆարին,

Ոտերդ ֆարից կախած:

Ոչ մեկին նեղում ես դու,

Ոչ մեկից բան ես խնդրում,

Ոչ մեկի ջուրն ես կտրում.

Ոչ մեկին շեղում ես դու;

Ծաղկում ես ամեն տարի,

Բուրմունքդ հովին տալով,

Նեկտարդ մեղվին տալով,

Պտուղդ՝ ուն պատահի;

Խիում է ցուրտը ձմռան,

Մտնում ես քո ներսը դու...

Տեսնում ես, թե ես ու դու

Ինչքան եմք իրար նման:

Մարտիրոս Սարյանին ընծայած <<Մարենի>> բանաստեղծության մասին Սահյանն ասում է. <<Մարենին իմ երկրի կերպարն է: Ոչինչ չի ուզում, երաժա տարին էլ լավ պտուղ է տալիս, մի քանի անգամ ժողկում՝ կանաչում է, սպիտակում, դեղնում, կարմրում...Նեղն, բաշխող, բայց և փեք ունի:

Օտարն ինձ պիտի ճանաչի մարենու թիով՝ ժայռի մեջ խրված: Ամենալավ բույրն ունի, գույնն ունի, պտուղն ունի: Արմատը խոր, պիրի, ամուր, հապա փորձիր պսկել...

Մարենին ինքը չգիտե, որ այդքան բուժիչ է, այդքան գեղեցիկ, այդքան պիտանի:

Մարենին չգիտի և չէր էլ կարող իմանալ, որ ինքը հայ է, հայի բնավորություն, որ այնքան բնորոշ է մեր ազգին:

Դա մենք պիտի իմանանք և ներկայացնենք աշխոջ էլ,

Մարենին Թումանյանի ժայռի արժեքն ունի....

Մարենու էությունը պիտի նաև ինքներս մեզ ճանաչենք>>:

.....Ցուրտ փամիներն են ոսարերը քրքրել,

Հողմերն են ծեծել բուր կողմերից,
Բայց նա ժեռ ֆարից սնունդ է առել,
Եվ ջուր է առել խոնավ հողմերից:

Դիմացել է պիրի պարանի նման,
Արմատով կառչած ֆարե երկնքին,
Շյուղեր է տվել և ամեն գարնան
Քնքեռքեն ծաղկել, բուրել է կրկին:

Կախվել է ժայռը անդունդի վրա....
Եվ հավիտյան էլ կախված մնա թող,
Քանի ֆարեդեն զանգվածը նրա
Մարեհու համար երկինք է և հող:

«Մարեհին» և «Ժայռից մատուր է կաթում» բանաստեղծությունների մեջ հասարակ թուփը մեկնաբանված է ամբողջան, կամփի և գեղեցկության ցուցիչներով: Բայց լավագույնը թերևս «Անտառում» բանաստեղծությունն է՝ անձնավորման տարերքով. անտառային ձայներով, բույրերով ու գույներով, գոյության հավասարազոր կերպարներով. Անգամ անշունչ երևույթները անձնավորված ու սպրոդ են, և այս ամենը իսկապես շատ խորհրդավոր է, համահունչ՝ «անտառում խորին խորհուրդներ կային» մտքին.

.....Օրոր էր ասում աշունն անտառին.

Բայց դեռ անտառի ֆունը չէր տանում.....

Եղյամն էր սունկի գլուխն արծաթում,

Մրսում էր կարծես վայրի նշենին,

Հանգստանում էր հողմը բացատում՝

Ականջն ամպրոպի ազդանշանին:

Համո Սահյանի բանաստեղծություններում լիարժեք <<գործող անձիք>> են բնության տարբերը՝ անձրևը, կայծակը, ծառը, ֆարը , գետը և այլն: Դրանք ներկայացվում են մարդկային բարոյական ինչ-ինչ արժեքների դերով՝ բարության, գեղեցկության, վեհության: Եվ այս նյութերի գերխնդիրը մարդկային ապրումների արտահայտումն է: Մարդը և բնությունը հաճախակա՞նք են փոխում են իրենց դերը. Մարդը դառնում է բնություն, բնությունը՝ մարդ

Դրանք ներկայացված են իրար մեջ՝ անորսալի, հաճախ անթափանցիկ կապերով, սահմաններով: Բերենք մի օրինակ.

Ջրվեժի ծիծառ, մամուռի արցունք,

Հավերքի երամ, ժայռեր ծանր ու մեծ,

Ամեն ինչի մեջ ինձանից մասունք,

Եվ ամեն ինչից մասունք կա իմ մեջ:

Սահյանն ավանդական ձևով բնությունը չի մարդկայնացնում, չի դիմում ընդունված փոխաբերությունների, նրա միտքը թափանցում է սովորական աչքին արդեն տեսանելի սահմաններից այն կողմ, դեպի հիմքը, դեպի կեցության փիլիսոփայական բջիջը, որն ինքնին, իր ծավալումների, իր բազմակերպ հոսքերի մեջ խտրականություն չի դնում, դրանով իսկ հաստատում է մի անսովոր եղբայրություն, հոգևոր իմաստով մի ինքնատիպ թագավորություն: Այս տարբեր բավանցում է նույնիսկ բանաստեղծության տեսության մեջ և դրանով Համո Սահյանի գեղագիտությունը ձեռք է բերում անաղարտ ակունքներ:

Սահյանի լավագույն էջերից է «Փարափների երգը» ժողովածուի առաջին բանաստեղծությունը, որ վերնագրված է «Լուսաբաց»: Լույսի հպումից շարժվում ու արթնանում է ամբողջ բնությունը, սարսուռ են ապրում նրա բաղադրիչները, արթնանում է նաև ժամանակը, որը չափվում է դարերով.

Լույսը առավ սարին,

Սարսուռ է սարը,-

Սարերը վեր թռան:

Հավիքն արթնացավ ծառին,

Սարսուռն է ծառը, -

Ծառերը վեր թռան:

Քարայծն ելավ ֆարին,

Սարսուռն է ֆարը, -

Քարերը վեր թռան...

Եվ ինձ մի պահ թվաց՝

Քարերի տակ ֆնած

Դարերը վեր թռան:

Ներդաշնակ մարդու որոնման տեսակետից շատ իմաստալից է <<Բնություն>> կոչված բանաստեղծությունը, ուր կան այսպիսի տողեր.

Ես ծունկի եմ գալիս,

Նոնարիվում եմ ահա,

Ասա, ինչ որ կուզես....

Օգնիր ինձ՝ իմանամ,

Ինձ ֆեզանից զատեմ

Ու խառնվեմ ֆեզ հետ:

...Օգնիր՝ ամբողջանամ:

Այն հարցին, թե ինչու «ֆարավիների երգը» սկսվել ու չի ավարտվում, Համո Սահյանը պատասխանել է. ««Քարավիների երգը» բնության մարդկայնացման և մարդու բնականացման խնդիրն է, որն արվեստի մեջ երբեք չի ավարտվելու, իսկ ինձ համար այն ավարտվելու է իմ կյանքի հետ» (Համո Սահյան, Գրչի, խոսքի, խղի կեղծ, էջ 176) Սահյանի գործերում սփռված են բնության տարրերի մարդկայնացման՝ անձնավորման կամ

դիմադրության հարյուրավոր դեպքեր: Գետը՝ Ոլոտանը, բանաստեղծի հարագատ եղբայրն է: Եղեգը մարդաստան է: Ջորը ուզում է կուլ տալ արեգակին, սա խաբում է ու հեռանում, և ձորը խռովում է: Քամին համբուրում է տերևին և ծիծաղում անտառի վրա («Քամու համբույրը»): Փռքիկ տերևը ալեկոծում է մի ուղջ անտառ: Առունն անտառին օրոր է ասում: Կաղնին Սողոմոն իմաստուն է: Այս երևույթի բացատրությունը Սահյանը փորձել է տալ նաև բանաստեղծությունների մեջ: «Ոլոտան եմ ես» ծրագրային ծավալուն բանաստեղծության մեջ նա բացում է որոշ փակագծեր: Մարդիկ զարմանում են իր արտասովոր արհեստի վրա, թե ինչպես է ինքը ֆարավիլ դարձնում պոզավոր մի եզ, ամպը՝ հարսնացու աղջիկ, լեռնային գետը՝ նժույգին նստած հեծյալ: Ուրեմն՝ բանաստեղծի արհեստը բնության մարդկայնացումն է: Բայց սա ընդունելուց հետո Սահյանը նաև բացատրում է, որ դրանով ինքը որոնում է իրեն, առհասարակ մարդուն. Բայց ես նրանց մեջ ինձ եմ որոնում, Ջեզ եմ որոնում: Ոլոտան եմ ես Ուսկերը հողատ, հակատն արևոտ, Իմ սրտի ուզած մարդամոտ մարդուն...

Մարդու հանաչումը բնության միջոցով

Հարցազրույցներից մեկում, հերթական անգամ խոսելով բնության ու մարդու խորը փոխանցության մասին, Համո Սահյանը հետաքրքիր զարգացում է տեսնում իր պոեզիայում: Ըստ դրա՝ ինքը նախկինում բնությունը հանաչում էր իր միջոցով, իսկ հիմա իրեն է հանաչում բնության միջոցով: Եթե առաջ գրում էր «լեռան հակատ», հիմա մարդու կրծքի մասին ասում է «լանջ» («Գրական թերթ», 1978, թիվ 26): Չնոտանակ, որ բանաստեղծը ֆարավիլ միջոցով է հանաչում ոչ միայն ինքն իրեն (ֆարավիլ գուգահոդ, ֆարերից բուսած բանաստեղծ), այլև իր ֆնարերգության կենտրոնական հերոսին՝ պապին: Սահյանը ունի այս երևույթի խորը ըմբռնումը, նույնիսկ

ծրագիրը: «Դու փոխ ես տվել» բանաստեղծությունը ծավալուն երկխոսություն է խելոք ու խոհեմ մայր բնության հետ, որին կոչում է «ամենահին ու ամենանոր ամենապոեն»։ Նա է բանաստեղծին փոխ տվել իր աչքերը, ձեռքերը, ոտքերը, ականջները, սիրտը՝ ինքն իրեն՝ բնությանը, հանաչելու համար.

Դու փոխ ես տվել իմ այս աչքերը,

Որ դու նրանցով ինքդ քեզ նայես...

Բնության մարդկայնացման և մարդու բնականության գուգորդումը նույն բանաստեղծության մեջ: Այս համադրությունը Համո Սահյանի գեղագիտական երազանքն է: «Անձնավորված, մարդացած բնություն և բնական մարդ. ահա իմ հավատո հանգանակը կյանքում և արվեստում», – մի առիթով ասել է նա (Համո Սահյան. Բանաստեղծը, մտածողը, մարդը, էջ 249): Հավասարազոր երկու եզրերի գուգորդումից Սահյանի պոեզիայում ծնվել են մի քանի փայլուն բանաստեղծություններ, որոնք արդեն արվեստի կայացած փաստեր են և կարիք չունեն հեղինակային հավելյալ բացատրությունների: Ահա «Քարափների երգը» ժողովածուի «Իջավ սարյակը դաշտում» բանաստեղծությունը.

Իջավ սարյակը դաշտում – ծիլ էր կտուցին. –

Շուրթիս վրա մի կանաչ տող էր թպրտում:

Արտից տատրակը թռավ – հասկ էր կտուցին. –

Շուրթիս վրա մի կարմիր տող էր թպրտում:

Ծիծառն անցավ երկնքով – ամպ էր կտուցին. –

Շուրթիս վրա մի դեղին տող էր թպրտում:

Կուռաց ագռավը ձորում – ձյուն էր կտուցին. –

Սրտիս վրա մի ճերմակ դող է թպրտում:

Մի ամբողջ կյանքի պատմություն ամփոփված է ութ տողերի մեջ: Մի որոշ իմաստով կարելի է մտածել, որ այս բանաստեղծությունն ունի ընդամենը երկու տող, որի միայն որոշ բառեր են փոխվում: Ադամանդյա այս սեղմության մեջ կան նաև չասված բառեր, երևույթներ ու կերպարներ: Գլխավոր կերպարը մարդն է, բայց նա սովորական էակ չէ, այլ բանաստեղծ. դա մենք զգում ենք «տող» բառից: Տրված է մարդու կարճատև կյանքի ընթացքը տարվա եղանակների արագ հերթափոխությամբ, բայց չկան գարուն, ամառ, աշուն, ձմեռ բառերը. դա էլ կռահում ենք կանաչ-կարմիր-դեղին-ճեմնակ ֆառանիստ գունապատկերից: Բանաստեղծության եզրափակիչ մասում կա վախճանի, մահվան գաղափարը, իսկ դրա մասին ասում է երիցս հնչած «տող» բառի հետ վերջում ներքին հանգ կազմող «դող» բառը: Այս և դեռ ուրիշ ենթիմաստներ թաքցնող այս բանաստեղծությունը գուգահեռականության ծնունդ է, բնապատկերային չորս թռչուն-խորհրդանիշերի (սարյակ, տատրակ, ծիծառ, ագռավ) և բանաստեղծ մարդու կյանքի չորս փուլերի (մանկություն, երիտասարդություն, հասունություն, ծերություն) անթերի գուգադրման արդյունք: Նման մի ընտիր բանաստեղծություն էլ տեղ է գտել «Իրիկնահաց» գրքում («Երամն անցավ վերևից»): Այստեղ ևս բնապատկերը պարունակում է հաղորդում մարդկային կյանքի մասին, ընդ որում հերոսը դարձյալ բանաստեղծն է և վերստին՝ մեռնող բանաստեղծը: Բնությունը վեհաճուճ փայլերով զգում է իր գավախի վախճանը և արձագանքում հատուկ ձեռով: Ահա այդ բանաստեղծությունն ամբողջությամբ.

Երամն անցավ վերևից,

Զորը մորմոխ է մահում:

Սևեր հագան սովերի

Ծաղիկները անհուն:

Մեծավորը սարերի՝

Ամպե գլխարկն է հանում:

Շրջվեց գավաթն արևի

Մայրամուտի մառանում...

Ինչ-որ մի տեղ երևի Բանաստեղծ է մահանում:

Մարդկային աշխարհի ու բնության գուգահեռը, բնության անձնավորումը և հողի ու մարդու միասնության գաղափարը առավել ցայտուն է արտահայտվել <<Քարափը>> բանաստեղծության մեջ:

Անձնավորված ֆարսիք հիշեցնում է ժողովրդական մի նահապետի, որ արժանի սեր ու հարգանք է վայելում բոլորի կողմից: Ինչպես նահապետն իր գերդաստանում, ֆարսին առանձնահատուկ սեղ ունի մանկության ձորում: Նրա շուրջն են հավաքվում բոլոր արարածները:

Ծանր նստել է ֆարսիք ձորում,

Հյուրընկալ տերը մանկության ձորի:

Ծանր նստել է և ամեն մեկին

Իրեն արժանի պատիվ է տալիս:

Վայրի աղավնուն հանճարը վայրի,

Մոլորված ամպին իր ֆիլմ է տալիս,

Խրտնած ֆարայծին՝ մուրն իր ֆարայրի:

Բանաստեղծը ոչ միայն մարդկային հատկանիւշներ է վերագրում ֆարսիին, այլև արտաֆնապես նմանեցնում է մարդու: Մացառները հոնֆերն են, ամպի սավերը մորուք է հիշեցնում: Ամբողջության մեջ նա նման է պապին.

Սատանան տանի, ինչ-որ հեռավոր

Նմանություն կա Խաչիպապ պապիս

Եվ այս հյուրընկալ ֆարսիի միջև:

Մարդուց փոխառված դրական հատկանիւշները՝ բարությունը, հյուրընկալությունը, որ վերագրվում են ֆարսիին, բնութագրում են նաև մարդուն:

Մանկության ձորի ֆարսիք սոսկ բնության բեկոր չէ, այն նաև ծննդավայրի, հայրենի հողի ու հայրենիքի խորհրդանիշն է, և այդ է պատճառը, որ բանաստեղծի համար նման ֆարսի աշխարհում չկա, այն եզակի է, ինչպես հայրենի հողը: Քարափը նաև անասան է ու հավերժական, հողի ու հայրենիքի պես դիմակայում է հավերժական ժամանակին.

Ժամանակն այսպես գալիս է, գնում,

Եվ տարու վրա ծալվում է տարին,

Ու խեղճ փարավիլը մենակ չի մնում,

Խորհի՛ թե ինչ է տալու աշխարհին:

Քարավիլը բնության մարդեղինացման գագաթնակետն է:

Մարդը բնության գավակն է, և պատահական չէ մարդուն պորտալարով բնությանը կապված սերունդների կենսագրության մեջ դիտելու այն սկզբունքը, որ պայմանավորում է Սահյանի <<Պապը>> բանաստեղծության հերոսի ընտրությունը:Իմ պապը վարել է,

Իմ պապը ցանել է,

Իսկ հնձի ժամանակ

Ձեռքի մեջ մանգաղի

Դաստակը ցավել է:

Մի օր էլ,երբ հանկարծ

Ծալվել են ձնկները,

Չարմանքից փարսցել,

Անոթից շիկնել է:

Թողել է նա մահը

Եվ շունչը պահել է,

Եվ հետո փրտիւնքը

Ճակատին պաղել է:

Եվ պապը ափսոսում

Պատկել ու քնել է,

Խառնվել այն հողին,

Որ իբե՛ն սնել է:

Սահյանի հերոսը մահն ընդունում է լուռ: Այն նրա համար միայն տեղափոխություն է: Նա գնում է
ձուլվելու իբե՛ն ծնած, սնած բնությունը:

Եզրակացություն

Մեզնից յուրաքանչյուրն իր Սահյանն ունի: Ամեն մեկը, ով փչե թե շատ պոեզիա է սիրում ու հասկանում, պոետին յուրովի է բացահայտում: Ես էլ իմ Սահյանն ունեմ՝ մեր պոեզիայում մեծագույն բնանկարիչ Համո Սահյանը հղկված ադամանդ է, և որ կողմից էլ նայում ես՝ փայլում-շողուում է: Նրա պոեզիայում սովերենը չկան, ամբողջովին լույս է: Բնությունն է նրա ամենահարազատ տարերբը, և հատկապես այստեղ է նա հզոր և անմրցակից: Չեմ կարող չասել, որ, այնուամենայնիվ, նրա բանաստեղծական տան համար ամենաշատ օգտագործված շինանյութը արևից խոնձված, անձրևից ու հողմերից ձեծված-թրծված ֆարերն ու ֆարափներն են, որոնք հղկել, գոհարներն փայլ է տվել Համո Սահյանը, կառուցել է բանաստեղծական իր սրբազան տաճարը, որի անունն է Հայաստան:

Պոետի իմաստուն խոսքը միաժամանակ պարզ է ու հասարակ՝ ինչպես բնությունը իր լուսաբացներով, ծիածաններով, իրար պոզահարող անպերով, մայրամուտից առաջ շինված ու հեացող ֆարափներով, անդունդի վրա կախված ու ժայռի ծիծ կերած մասքեհու թվով: Այդուհանդերձ, Սահյանի խոսքը խոր ու անհատակ է՝ ինչպես մարդկային հոգին իր հագար ու մի գաղտնարաններով:

Սահյանական պոեզիայում Հայաստանի ֆարերը ոչ թե ծանր հակասազիր են, ոչ թե անեծք, այլ օրհնանք են, ֆարե աղոթք են, անասան հիմք են ու արծվաթռիչք, ֆարե սիմֆոնիա, թև-թիկունք, տուն-ամրոց են, մեր... փրկությունը: Եվ ամենագլխավորը. Սահյանի բանաստեղծությունները լավատեսություն են հառազում: Նրանց հեղինակը մարգարեաբար համոզված է, որ Հայաստանի գարունները, նրա բոլոր դարերը հայերեն են գալու:

Այս թեման կնպաստի սովորողների ինֆանանաչողությունը, արժեհամակարգի ձևավորմանը և՛ հիմնական, և՛ ավագ դպրոցում, ֆանգի բնությունն ազնվացնում է մարդուն, սրբագործում նրա էությունը: Հարկավոր է վերանայել մարդու վերաբերմունքը բնության հանդեպ, հոգատարությամբ վերաբերվել յուրաքանչյուր ֆարին ու թփին, ֆանի որ առանց բնության մարդը ապրել և գոյատևե չի կարող:

Կարծում եմ, որ նման մտեցումը կնպաստի սովորողների մշակութային կարողունակության զարգացմանը:

Օգտագործված գրականության ցանկ

1. Սահյան Հ. Ս. <<Երկերի ժողովածու 2 հատորով>> 1984թ.
2. Ս. Աղաբաբյան << Դասականներ և ժամանակակիցներ>> 1986թ.
3. Ս. Աթաբեկյան <<Բառի կեցության խորհուրդ>> 1988թ.
4. Haymard.am
5. Համո Սահյան <<Կանչե՛ր կոո՛ւնկ>> 1973թ.
6. Համո Սահյան <<Տոհմի կանչը>> 1981թ.

7. Հանն Սահյան <<Սեզամ բացվի՛ր>> 1972թ.